

Item/ hastu acht Ruten an der breyte/ vnd sechshehen an der lenge/
so hastu auch ein gerechten Morgen Feldts.

Item/ In dieser Kunst des Feldtmessens/ soltu sonderlich acht has-
ben/ so du multiplicirst/ manigfaltigest/ oder mehrest Ruten durch Ruten/
so werden Creusruten darauß.

So du aber manigfaltigest Schuch durch Ruten/ so werde Creus
viertheil darauß. Multiplicirestu aber schuch durch schuch/ so kommen
dir Creuschuch/ wie folgend Figur anzeigt.

	Ruten		Ruten		Ruten
Multiplicirestu	Schuch	durch	Ruten	werden	Creus viertheil.
	Schuch		Schuch		Schuch.

Dieweil vns aber vielerley gestalt d' Felder/ Acker/ Weingarten/
Wiesen/ etc. zumessen zukommen/ wollen wir hernach derselben
gestalt/ so viel der hierinn begriffen vnd zu wissen not ist/
anzeigen vnd messen lehren.

Etliche Felder seynd auff allen seiten gleicher Eck vnd Winckel-
maß/ vnd ganz gerad viereckicht.

Item/ man findt Felder/ seynd viereckicht/ aber lenger dan breyter.

Item/ etliche seynd dreieckicht.

Ein theil haben vier eck.

Ein theil seynd viereckicht/ vnd haben Schlüssel.

Ein theil seynd gestalt wie ein langer Beck.

Ein theil haben fünff eck.

Etlich seynd ganz runde.

Ein theil halb runde.

Ein theil wie ein bogen.

Ein theil bergig/ Von den allen wir hernach sagen wollen/ vñ zum
ersten anfahren von dem gevierdten Feld zumessen vnd rechnen.

Ein Feldt/ es sey ein Acker/ Weingart oder Wiesen/ etc. Oder ein

B ij Fleck/